



Босна и Херцеговина
Република Српска
**Окружно јавно
тужилаштво Бања Лука**

BROJ PROTOKOLA: A- 713/21
BROJ JAVNE NABAVKE:

TENDERSKA DOKUMENTACIJA ZA JAVNU NABAVKU ROBA
NABAVKA SLUŽBENOG PUTNIČKOG MOTORNOG VOZILA

**VRSTA POSTUPKA: KONKURENTSKI ZAHTJEV
SA NAMJEROM PROVOĐENJA E-AUKCIJE**

Banja Luka, 22.09.2021. godine

Босна и Херцеговина Република Српска Окружно јавно тужилаштво Бања Лука
Адреса: Владике Платона 66, 78000 Бања Лука, **Телефон:** 051 346 020 - централа, **Факс:** 051 316 250
Електронска пошта: ot-bl@pravosudje.ba, **Веб страница:** ot-banjaluka.pravosudje.ba

PREDMET: Konkurentski zahtjev za dostavu ponuda za nabavku robe, sa namjerom provođenja e-aukcije - Nabavka službenog putničkog motornog vozila za potrebe Okružnog javnog tužilaštva Banja Luka

Poštovani,

U ime Okružnog javnog tužilaštva u Banjaluci, pozivam vas da dostavite ponudu u postupku konkurentskog zahtjeva za dostavljanje ponuda. Procedura javne nabavke će se obaviti u skladu sa Zakonom o javnim nabavkama Bosne i Hercegovine ("Službeni glasnik BiH" br. 39/14) i podzakonskim aktima koji su doneseni u skladu sa Zakonom i ovom tenderskom dokumentacijom.

1. OPŠTI PODACI

1.1. Podaci o ugovornom organu

Ugovorni organ:	Okružno javno tužilaštvo Banja Luka
Adresa:	Vladike Platona bb, Banja Luka
IDB/JIB:	4401624960008
Telefon:	051 346 020
Faks:	051 316 250
Veb adresa:	ot-banjaluka.pravosudje.ba

1.2. Podaci o osobi zadužnoj za kontakt

Kontakt osoba:	Slavica Odžaković
Telefon:	051 346 020
Faks:	051 316 250 (nasloviti n/r Slavica Odžaković)
e-mail:	slavica.odzakovic@pravosudje.ba;

1.3. Popis privrednih subjekata sa kojim je ugovorni organ u sukobu interesa:

Na osnovu člana 52. Stav (4) Zakona o javnim nabavkama, ugovorni organ ne može zaključivati ugovore sa sljedećim privrednim subjektom/subjektima: Ugovorni organ nema podataka o privrednim subjektima koja su isključena iz postupka javne nabavke zbog postojanja sukoba interesa, u skladu sa članom 52. Zakona o javnim nabavkama ("Službeni glasnik BiH" br. 39/14).

1.4. Redni broj nabavke

Broj i datum odluke:	A-713/21 od 17.09.2021. godine
Referentni broj iz Plana nabavki:	I/9
Br. obavještenja o nabavci:	Obavještenje o nabavci je objavljeno zajedno sa ovom tenderskom dokumentaciji na web stranici www.ejn.gov.ba
Broj prethodnog informacionog obavještenja	-

1.5. Podaci o postupku javne nabavke

1.5.1. Vrsta postupka javne nabavke:	Konkurentski zahtjev
1.5.2. Procijenjena vrijednost javne nabavke (bez uključenog PDV):	37.000,00 KM (slovima: tridesetisedamhiljada KM);
1.5.3. Vrsta ugovora o javnoj nabavci (robe/usluge/radovi):	Robe
1.5.4. Okvirni sporazum (ukoliko je predviđeno zaključivanje okvirnog sporazuma i sa koliko privrednih subjekata je predviđeno zaključivanje okvirnog sporazuma):	NE
1.5.5. Period na koji se zaključuje ugovor:	Jednokratna isporuka
1.5.6. Predviđeno provođenje e-aukcije:	DA

2. PODACI O PREDMETU JAVNE NABAVKE

2.1. Opis predmeta nabavke

Predmet ovog postupka je nabavka robe - Nabavka službenog putničkog motornog vozila, a prema Planu javnih nabavki Okružnog javnog tužilaštva u Banja Luci za 2021. godinu, redni broj I/9.

- Oznaka i naziv iz JRJN: 34100000-8 Motorno vozilo.

2.2. Tehničke specifikacije

Tehničke specifikacije su bliže određene **Aneksom 2**, koji se nalazi u prilogu ove tenderske dokumentacije - Obrazac za cijenu ponude. Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani.

U slučaju da ponuđač propusti popuniti obrazac sa svim stavkama u skladu sa postavljenim zahtjevima, njegova ponuda će biti odbačena.

2.3. Mjesto isporuke roba

Mjesto dostavljanja robe je Okružno javno tužilaštvo u Banjaluci, ulica Vladike Platona bb.

2.4. Rok isporuke

Najkasnije 60 dana od dana obostranog potpisivanju ugovora.

2.5. Garancija, servisiranje i održavanje predmeta nabavke

Garancija za isporučeno vozilo obuhvata:

- garancija opšta 4 godine ili pređenih 120.000 km
- garancija na pohrđavanje karoserije vozila 12 godina
- garancija na lak 3 godine

Ponuđač je dužan da osigura redovno servisiranje motornog vozila (koje plaća kupac) od momenta isporuke do isteka garantnog perioda.

Ponuđač je dužan da osigura rezervne dijelove i servisiranje motornog vozila kod ovlaštenog servisa od momenta isporuke do isteka garantnog perioda.

Ponuđač je, kao sastavni dio ove ponude, dužan dostaviti izjavu o garantnom roku, koja je sastavni dio ove TD. (**ANEKS 6**).

2.6. Način plaćanja

Plaćanje robe će se vršiti putem Trezora u roku od 30 dana od dana ispostave fakture za uredno isporučenu robu.

3. USLOVI ZA KVALIFIKACIJU

3.1. Lična sposobnost

3.1.1. Uslovi koje ponuđač mora ispuniti u pogledu lične sposobnosti

Ponuđač je dužan u svrhu dokazivanja lične sposobnosti dokazati da :

a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;

b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;

c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;

d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

3.1.2. Dokazi koje ponuđač mora dostaviti u pogledu lične sposobnosti

U svrhu dokazivanja uslova iz tački a) do d) ponuđač je dužan dostaviti izjavu popunjenu i ovjerenu kod nadležnog organa, koja je sastavni dio tenderske dokumentacije (**Aneks 5**). Izjava ne smije biti starija od 15 dana od dana predaje ponude.

Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Ponuđač koji bude odabran kao najbolji u ovom postupku javne nabavke je dužan dostaviti sljedeće dokaze u svrhu dokazivanja činjenica potvrđenih u izjavi i to:

a) uvjerenje Suda BiH i suda prema sjedištu ponuđača da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;

b) izvod ili potvrda iz evidencije u kojima se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;

c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.

d) potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektne poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoje reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke.

Dokazi, koje je dužan dostaviti izabrani ponuđač, moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izjavu.

Dokaze o ispunjavanju uslova je dužan dostaviti u roku od 5 dana od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.

Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dokazi se dostavljaju za svakog člana grupe.

3.2. Tehnička i profesionalna sposobnost

3.2.1. Da bi učestvovali u proceduri javnih nabavki, ponuđači su dužni dostaviti: pravo ponuđača na obavljanje profesionalne djelatnosti koja je u vezi sa predmetom nabavke, u skladu sa članom 46. Zakona.

3.2.2. Ponuđači trebaju uz ponudu dostaviti dokumentaciju kojom potvrđuju da ispunjavaju uslove tražene tačkom 3.2.1. konkurentskog zahtjeva za dostavljanje ponuda i to:

U svrhu dokazivanja profesionalne sposobnosti (član 46. Zakona) ponuđači trebaju uz ponudu dostaviti:

dokaz o registraciji u odgovarajućim profesionalnim ili drugim registrima zemlje u kojoj su registrovani ili da osiguraju posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi s predmetom nabavke (Aktuelni izvod). Dokazi koji se dostavljaju moraju biti originali ili ovjerene kopije.

3.3. Ovlašteni servis

3.3.1. Ponuđači moraju da ispunjavaju sljedeće uslove:

- a) da posjeduju ili da imaju ugovoren ovlašteni servis u BiH za ponuđeno vozilo
- b) da je ponuđač ovlašteni distributer za ponuđeno vozilo

3.3.2. U svrhu dokazivanja da ispunjavaju navedene uslove ponuđači trebaju uz ponudu dostaviti sljedeće dokaze:

- a) Ovlaštenje da je ponuđač ovlašten za servisiranje vozila, a ako je ponuđač ovlašten samo za prodaju, a ne za servisiranje, dužan je dostaviti ugovor sa ovlaštenim servisom o servisiranju vozila u garantnom roku. U tom slučaju ponuđač je dužan dostaviti uz ugovor i ovlaštenje proizvođača za ovlašteni servis sa kojim ima ugovor.
- b) Ovlaštenje da je ponuđač ovlašten za prodaju vozila.

3.4. Diskvalifikacija po osnovu sukoba interesa ili korupcije

U skladu sa članom 52. Zakona o javnim nabavkama BiH, Ugovorni organ je dužan odbiti ponudu, ako je ponuđač sadašnjem ili bivšem zaposleniku ugovornog organa dao ili je spreman dati mito u obliku novčanih sredstava ili u bilo kojem novčanom obliku, s ciljem ostvarivanja uticaja na radnju, odluku ili tok postupka javne nabavke.

U vezi sa navedenim svaki ponuđač je dužan uz ponudu dostaviti i posebnu pismenu izjavu da nije nudio mito niti učestvovao u bilo kakvim radnjama čiji je cilj korupcija u javnoj nabavci. Pismena izjava je sastavni dio tenderske dokumentacije - **Aneks 3.**

4. SADRŽAJ I NAČIN PRIPREME PONUDE

4.1. Ponuđači snose sve troškove u vezi sa pripremom i dostavljanjem njihovih ponuda. Ugovorni organ nije odgovoran niti dužan snositi te troškove. Tenderska dokumentacija se može preuzeti na portalu javnih nabavki.

4.2. Ponuda se izrađuje na način da čini cjelinu i mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke. Svi listovi ponude moraju biti čvrsto uvezani (pod čvrstim uvezom minimalno se smatra provučen jemstvenik kroz ponudu i opečaćen), na način da se onemogući naknadno vađenje ili umetanje listova. Dijelovi ponude kao što su uzorci, katalogi, mediji za pohranjivanje podataka i sl. koji ne mogu biti uvezani, ponuđač obilježava nazivom i navodi u sadržaju ponude kao dio ponude. Sve strane ponude moraju biti numerisane na način da je vidljiv redni broj stranice ili lista. Ako ponuda sadrži štampanu literaturu, brošure, kataloge i sl. koji imaju izvorno numerisane brojeve, onda se ti dijelovi ponude ne numerišu dodatno. Ponuđači su dužni da popune Obrazac za dostavljanje ponude – Aneks 1, Aneks 2,3,4,5,6,7 kao i da dostave svu traženu dokumentaciju.

4.3. Ponuda se dostavlja samo u originalu.

4.4. Ponude se predaju u Okružnom javnom tužilaštvu u Banja Luci, kancelarija broj 002, na adresi: Vladike Platona bb, ili putem pošte, do datuma i vremena navedenog u obavještenju o nabavci i tenderskoj dokumentaciji, na adresu ugovornog organa, u zatvorenoj koverti na kojoj, na prednjoj strani koverta, mora biti navedeno:

Naziv ugovornog organa:	Okružno javno tužilaštvo u Banjaluci
Adresa ugovornog organa:	Ulica Vladike Platona bb Banja Luka, kancelarija br.002

PONUDA ZA NABAVKU

„Nabavka službenog putničkog motornog vozila“

Broj nabavke: A-713/21

„NE OTVARAJ“

Na zadnjoj strani koverta ponuđač je dužan da navede slijedeće:

Naziv ponuđača	
Adresa ponuđača	

4.5. Ponuđači mogu izmijeniti ili dopuniti svoje ponude samo prije isteka roka za dostavljanje ponuda. Izmjena i dopuna ponude se dostavlja na isti način kao i osnovna ponuda, sa obaveznom naznakom da se radi o izmjeni ili dopuni ponude. Ponuđač može u istom roku odustati od svoje ponude, dostavljanjem ugovornom organu pisane izjave. Pisana izjava se dostavlja na isti način kao i ponuda, sa naznakom da se radi o odustajanju od ponude. U tom slučaju ponuda će biti vraćena ponuđaču neotvorena.

4.6. Ponuđači mogu napraviti spisak (popunjen po šemi koja se nalazi u Aneksu 4) informacija koje bi se trebale smatrati povjerljivim.

Ukoliko ponuđač ne dostavi obrazac ili dostavi nepopunjen obrazac povjerljivih informacija, znači da iste nema i njegova ponuda po tom osnovu neće biti proglašena neprihvatljivom. Ako ponuđač označi povjerljivim podatke koji se u skladu sa članom 11. Zakona ne mogu proglasiti povjerljivim, ugovorni organ ih neće smatrati povjerljivim, a ponuda ponuđača neće biti odbijena.

4.7. Kriterij dodjele ugovora i cijena

Metodologija vrednovanja ponuda u skladu sa kriterijem „najniža ukupna cijena tehnički zadovoljavajuće ponude.“

Najniža cijena uključuje sve zavisne troškove (isporuka ugovornom organu, troškovi transporta, itd). Posebno se iskazuje PDV.

Cijena ponude se izražava u konvertibilnim markama (BAM). Ponude koje ponuđači dostave u nekoj drugoj valuti će biti neprihvatljive i kao takve biće odbačene.

Kriterij za dodjelu ugovora je najniža cijena tehnički zadovoljavajuće ponude.

4.8. Zahjevi po pitanju jezika

Ponuda i svi dokumenti i korespodencija u vezi sa ponudom između ponuđača i ugovornog organa moraju biti napisani na jednom od službenih jezika u Bosni i Hercegovini. Štampana literatura, brošure, katalozi ili slično, koje dostavlja ponuđač ne moraju biti prevedeni.

Ugovorni organ može zahtijevati i da se štampana literatura, brošure, katalozi ili slično (ili neki njihovi dijelovi) prevedu, npr. dijelovi koji se odnose na ocjenu tehničkih specifikacija. Pod zvaničnim prevodom se smatra prevod ovjeren o strane sudskog prevodioca.

4.9. Rok važenja ponude

Ponude moraju važiti 60 dana, računajući od dana isteka roka za dostavljanje ponuda. Sve dok ne istekne period važenja ponuda, ugovorni organ ima pravo da traži od ponuđača u pisanoj formi da produže period važenja njihovih ponuda do određenog datuma. Ponuđači mogu odbiti takav zahtjev. Ponuđač koji pristane da produži period važenja svoje ponude i o tome u pisanoj formi obavijesti ugovorni organ, produžit će period važenja ponude. Ponuda se ne smije mijenjati. Ako ponuđač ne odgovori na zahtjev ugovornog organa u vezi sa produženjem perioda važenja ponude, smatrat će se da je ponuđač odbio zahtjev ugovornog organa, te se njegova ponuda neće razmatrati u daljem toku postupka.

4.10. Mjesto, datum i vrijeme za prijem ponuda

4.10.1. Podaci za dostavu ponuda:

Ugovorni organ:	Okružno javno tužilaštvo u Banjaluci
Adresa:	Ulica Vladike Platona bb Banja Luka
Kancelarija:	Kancelarija br. 002
Datum:	13.10.2021 godine
Vrijeme do kada se primaju ponude:	Do 11:30 časova

4.10.2. Ponude zaprimljene nakon isteka roka za prijem ponuda se vraćaju neotvorene ponuđačima. Ponuđači koji ponude dostavljaju poštom preuzimaju rizik ukoliko ponude ne stignu do krajnjeg roka utvrđenog tenderskom dokumentacijom.

4.11. Mjesto, datum i vrijeme otvaranja ponuda

4.11.1. Podaci o otvaranju ponuda:

Ugovorni organ:	Okružno javno tužilaštvo u Banjaluci
Adresa:	Ulica Vladike Platona bb Banja Luka
Kancelarija:	Kancelarija br. 110
Datum:	13.10.2021. godine
Vrijeme otvaranja ponuda pristiglih do krajnjeg roka za prijem ponuda:	12:00 časova

4.11.2. Ponuđači ili njihovi predstavnici, kao i sva druga zainteresovana lica mogu prisustvovati otvaranju ponuda. Informacije koje se iskazuju u toku javnog otvaranja ponuda će se dostaviti svim ponuđačima koji su u roku dostavili ponude putem Zapisnika sa otvaranja ponuda, odmah, a najkasnije u roku od 3 dana.

4.11.3. Na javnom otvaranju ponuda prisutnim ponuđačima će se saopštiti sledeće informacije:

- naziv ponuđača
- ukupna cijena navedena u ponudi
- popust naveden u ponudi, ako je posebno iskazan

4.11.4. Predstavnik ponuđača koji želi zvanično učestvovati na otvaranju ponuda treba prije otvaranja ponuda Komisiji dostaviti punomoć za učešće na javnom otvaranju u ime privrednog subjekta-ponuđača. Ukoliko nema zvanične punomoći, ponuđač može, kao i ostala zainteresovana lica, prisustvovati javnom otvaranju, ali bez prava potpisa Zapisnika ili preduzimanja bilo kojih pravnih radnji u ime ponuđača.

4.12. Provođenje E- aukcije

Ugovorni organ će nakon prijema, otvaranja i analize ponuda provesti e-aukciju, u skladu sa Pravilnikom o uslovima i načinu korištenja e-aukcije Sl. glasnik BiH Broj 66/16 od 06.09.2016. godine). E-aukcija se provodi putem sistema e- Nabavka na web stranici www.ejn.gov.ba.

4.13. Nacrt ugovora

Sastavni dio ove tenderske dokumentacije je nacrt ugovora (**Aneks 7**), u koji su uneseni osnovni elementi. Ponuđači su dužni uz ponudu dostaviti Nacrt ugovora, te parafirati sve listove Nacrta ugovora ili isti potpisi na odgovarajućem mjestu, kao akt saglasnosti sa istim.

5. OSTALI PODACI

5.1. Obavještenje o dodjeli

Svi ponuđači će biti obaviješteni o odluci ugovornog organa o rezultatu postupka javne nabavke u roku od 7 (sedam) dana od dana donošenja odluke. Uz obavještenje o rezultatima postupka ugovorni organ će dostaviti ponuđačima odluku o izboru najpovoljnije ponude ili poništenju postupka, kao i zapisnik o ocjeni ponuda.

5.2. Zaključenje ugovora

Ugovor će se zaključiti u skladu sa uslovima iz tenderske dokumentacije i prihvaćene ponude i Zakonom o obligacionim odnosima.

5.3. Informacije o zaštiti prava ponuđača

U slučaju da je ugovorni organ u toku postupka javne nabavke izvršio povredu odredbi Zakona ili podzakonskih akata, imate pravo uložiti žalbu ugovornom organu, na način i u rokovima propisanim članom 99. i 101. Zakona.

6. DODATNE INFORMACIJE

6.1. Ispravka i/ili izmjena dokumentacije, traženje pojašnjenja

Ugovorni organ može u svako doba, a najkasnije tri dana prije isteka roka za podnošenje ponuda, izmijeniti tendersku dokumentaciju, s tim da o svim izmjenama obavjesti sve potencijalne ponuđače za koje zna da su preuzeli dokumentaciju. U slučaju da je izmjena takve prirode da će priprema ponude zahtjevati dodatno vrijeme, Ugovorni organ će produžiti rok za prijem ponuda, primjeren nastalim izmjenama, ali ne kraći od sedam dana.

U slučaju davanja pojašnjenja po zahtjevu ponuđača, ugovorni organ će pisano pojašnjenje dostaviti elektronskim putem svim potencijalnim ponuđačima koji su preuzeli dokumentaciju. Zahtjev za pojašnjenje se može tražiti najkasnije tri dana prije isteka roka za prijem ponuda. Ugovorni organ je dužan u roku od tri dana, a najkasnije pet dana prije isteka roka za podnošenje ponuda dostaviti pisano pojašnjenje svim potencijalnim ponuđačima.

6.3. Pouka o pravnom lijeku

Žalba se izjavljuje ugovornom organu u pisanoj formi direktno ili preporučenom poštanskom pošiljkom u roku od 10 (deset) dana od dana preuzimanja tenderske dokumentacije. Ponuđač je dužan dostaviti žalbu ugovornom organu, najmanje u tri primjerka.

6.4. Prilozi:

ANEKS 1 - Obrazac za dostavljanje ponude

ANEKS 2 - Obrazac za cijenu ponude sa tehničkom specifikacijom

ANEKS 3 - Izjava u vezi sa članom 52. Zakona

ANEKS 4 - Obrazac povjerljivih informacija

ANEKS 5 - Izjava u skladu sa članom 45 ZJN

ANEKS 6 - Izjava o garanciji za isporučenu robu

ANEKS 7 - Nacrt ugovora

Napomena: Svi Aneksi moraju biti sastavni dio ponude.



GLAVNI OKRUŽNI JAVNI TUŽILAC
ZORAN BULATOVIĆ

Aneks 1

OBRAZAC ZA DOSTAVLJANJE PONUDE

stranica 1 od 2

Broj nabavke: _____

Broj obavještenja sa Portala JN: _____

UGOVORNI ORGAN:

Ugovorni organ:	
Adresa:	

PONUĐAČ*:

(ako se radi o grupi ponuđača, u rubrici za člana grupe potrebno je navesti naziv člana grupe, adresu i JIB, a ostali navedeni podaci se odnose na ovlaštenog predstavnika grupe):

Naziv i sjedište ponuđača (ovlašteni predstavnik grupe ponuđača) :	
Naziv, adresa i ID broj za svakog člana grupe ponuđača (ukoliko se radi o grupi ponuđača):	
Adresa :	
ID broj:	
Broj žiro računa:	
Da li je ponuđač je u sistemu PDV:	
Adresa za dostavu pošte:	
e-mail:	

**Ukoliko ponudu dostavlja grupa ponuđača, upisuju se isti podaci za sve članove grupe ponuđača, kao i kada ponudu dostavlja samo jedan ponuđač, a pored naziva ponuđača koji je predstavnik grupe ponuđača upisuje se i podatak da je to predstavnik grupe ponuđača. Pougovarač se ne smatra članom grupe ponuđača u smislu postupka javne nabave.*

KONTAKT OSOBA (za konkretnu ponudu):

Ime i prezime:	
Adresa:	
Telefon:	
Faks:	
e-mail:	

IZJAVA PONUĐAČA:

(Ukoliko ponudu dostavlja grupa ponuđača, onda Izjavu ponuđača popunjava predstavnik grupe ponuđača.)

U postupku javne nabavke, koju ste pokrenuli i koja je objavljena na Portalu javnih nabavki, broj Obaviještenja o nabavci _____ dana _____, dostavljamo ponudu i izjavljujemo sljedeće:

1. U skladu sa sadržajem i zahtjevima tenderske dokumentacije br. _____ *(broj nabavke koji je dao ugovorni organ)*, ovom izjavom prihvatamo njene odredbe u cijelosti, bez ikakvih rezervi ili ograničenja.
2. Ovom ponudom odgovaramo zahtjevima iz tenderske dokumentacije, u skladu sa uslovima utvrđenim u tenderskoj dokumentaciji, kriterijumima i utvrđenim rokovima, bez ikakvih rezervi ili ograničenja.
3. Cijena naše ponude (bez PDV-a) je _____ KM.
Popust koji dajemo na cijenu je _____ KM.

Cijena naše ponude (bez PDV-a) sa uključenim popustom je _____ KM.

PDV na cijenu ponude (sa uračunatim popustom) _____ KM.

Ukupna cijena za ugovor je _____ KM.

U prilogu se nalazi i obrazac za cijenu naše ponude, koji je popunjen u skladu sa zahtjevima iz tenderske dokumentacije. U slučaju razlika u cijenama iz ove Izjave i Obrasca za cijenu ponude, relevantna je cijena iz obrasca za cijenu ponude.

4. Ova ponuda važi _____ dana, tj do _____ godine.

Ime i prezime lica koje je ovlašteno da predstavlja ponuđača: _____

Potpis ovlaštenog lica: _____

Mjesto i datum: _____

Pečat preduzeća:

Uz ponudu je dostavljena i sljedeća dokumentacija:

Naša ponuda sadrži dokumenta označena od 1 do __, i to:

- 1.
- 2.
- 3.

...

Itd.

[Popis dostavljenih dokumenata, izjava i obrazaca sa nazivima istih]

Aneks 2

OBRAZAC ZA CIJENU PONUDE - ROBE

stranica 1 od 2

Naziv ponuđača

Ponuda br.

Red. br.	Opis robe	Količina	Jedin. cijena bez PDV-a	Ukupna cijena bez PDV-a	Ukupna cijena sa PDV-om
1	2	3	4	5	
1	PUTNIČKO MOTORNO VOZILO	1			
Ukupna cijena ponude, bez PDV-a					
Popust na ukupnu cijenu ponude, bez PDV-a					
Ukupna cijena sa uračunatim popustom, bez PDV-a					
Ukupna cijena sa uračunatim popustom, sa PDV-om					

Napomena:

- Cijene moraju biti iskazane u KM.
- Ponuđač je obavezan u ponudi da navede popust, ako je isti odobren.
- U slučaju razlika između jediničnih cijena i ukupnog iznosa, ispravka će se izvršiti u skladu sa jediničnim cijenama.
- Jedinična cijena stavke se ne smatra računskom greškom, odnosno ne može se ispravljati.
- Ovaj obrazac je sastavni dio ponude, u originalnom obliku.

Potpis ovlaštene osobe: _____

Pečat ponuđača

NAZIV I OPIS ROBE I TEHNIČKA SPECIFIKACIJA

Vrsta vozila: **PUTNIČKO MOTORNO VOZILO - LIMUZINA**

1. Vrsta goriva: **dizel**
2. Zapremina motora (ccm): **min. 1965**
3. Snaga motora (kw): **min. 85**
4. Ekološka norma: **Euro 6**
5. Godina proizvodnje: **2021.**
6. Mjenjač: **manuelni (minimalno 6 brzina)**
7. Pogon: **prednji**
8. Broj vrata: **5**
9. Broj sjedišta: **5**
10. Boja: **srebrna metalik**
11. Dužina: **min. 4685**
12. Širina: **min. 1825**
13. Međuosovinski razmak (mm) **2665-2670**
14. Visina vozila (mm): **min.1465**
15. Prtljažnik u l: **min. 597**
16. Garancija: opšta 4 godine ili pređenih 120.000 km, garancija na pohrdavanje karoserije vozila 12 godina, garancija na lak 3 godine

OPREMA:

1. Elektro podesivi i grijani retrovizori
2. Elektro podizači prozora naprijed i nazad
3. Disk kočnice naprijed i nazad
4. Alu točkovi 16
5. Rezervni točak i alat
6. Električna parking kočnica
7. Tempomat
8. Automatski klima uređaj
9. Putni kompjuter
10. Multifunkcionalni kožni servo upravljač
11. Radio sa ekranom osjetljivim na dodir
12. Bočni zračni jastuci
13. Senzori za parkiranje nazad
14. Prednja svjetla za maglu
15. START-STOP sistem

Potpis ovlaštene osobe: _____

Pečat ponuđača

Aneks 3

PISMENA IZJAVA U VEZI ČLANA 52. STAV (2) ZAKONA O JAVNIM NABAVKAMA

Ja, niže potpisani _____ (Ime i prezime), sa ličnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti

(Navesti položaj, naziv privrednog društva ili obrta ili srodne djelatnosti),
ID broj: _____, čije sjedište se nalazi u _____ (Grad/opština), na
adresi _____ (Ulica i broj), kao
kandidat/ponuđač u postupku javne nabavke
_____ (Navesti tačan naziv i
vrstu postupka javne nabavke), a kojeg provodi ugovorni organ
_____ (Navesti tačan naziv
ugovornog organa), za koji je objavljeno obavještenje o javnoj nabavci (ako je objavljeno
obavještenje) broj: _____ u „Službenom glasniku BiH“ broj: _____, a u skladu
sa članom 52. stav (2) Zakona o javnim nabavkama **pod punom materijalnom i krivičnomo
odgovornošću**

IZJAVLJUJEM

1. Nisam ponudio mito nijednom licu uključenom u proces javne nabavke, u bilo kojoj fazi procesa javne nabavke.
2. Nisam dao, niti obećao dar, ili neku drugu povlasticu službeniku ili odgovornom licu u ugovornom organu, uključujući i strano službeno lice ili međunarodnog službenika, u cilju obavljanja u okviru službenog ovlašćenja, radnje koje ne bi trebalo da izvrši, ili se suzdržava od vršenja djela koje treba izvršiti on, ili neko ko posreduje pod takvom podmićivanju službenog ili odgovornog lica.
3. Nisam dao ili obećao dar ili neku drugu povlasticu službeniku ili odgovornom licu u ugovornom organu uključujući i strano službeno lice ili međunarodnog službenika, u cilju da obavi u okviru svog službenog ovlaštenja, radnje koje ne bi trebalo da obavlja, ili se suzdržava od obavljanja radnji, koje ne treba izvršiti.
4. Nisam bio uključen u bilo kakve aktivnosti koje za cilj imaju korupciju u javnim nabavkama.
5. Nisam učestvovao u bilo kakvoj radnji koja je za cilj imala korupciju u toku predmeta postupka javne nabavke.

Davanjem ove izjave, svjestan sam krivične odgovornost predviđene za krivično djelo davanje mita i druga krivična djela protiv službene i druge odgovorne dužnosti utvrđene u krivičnim zakonima Bosne i Hercegovine.

Izjavu dao:

M.P.

Mjesto i datum davanja izjave:

Potpis i pečat nadležnog organa

Aneks 4

MEMORANDUM PONUĐAČA

POVJERLJIVE INFORMACIJE

Informacija koja je povjerljiva	Brojevi stranica s tim informacijama u ponudi	Razlozi povjerljivost informacija za tih	Vremenski period u kojem će te informacije biti povjerljive

Napomena:

Podaci koji se ni u kojem slučaju ne mogu smatrati povjerljivim su: (član 11.ZJN)

- a) ukupne i pojedinačne cijene iskazane u ponudi;
- b) predmet nabavke, odnosno ponuđena roba, od koje zavisi poređenje sa tehničkom specifikacijom i ocjena da li je ponuđač ponudio robu u skladu sa tehničkom specifikacijom;;
- c) dokazi o ličnoj situaciji ponuđača (smislu odredbi čl. 45-51 Zakona).

Potpis ovlaštene osobe ponuđača

M.P.

Aneks 5

Izjava o ispunjenosti uslova iz člana 45. stav (1) tačka a) do d) Zakona o javnim nabavkama BiH ("Službeni glasnik BiH" broj: 39/14)

Ja, niže potpisani _____, sa ličnom kartom broj _____
(Ime i prezime)
izdatom od _____, u svojstvu predstavnika ponuđača
_____, ID broj: (Naziv ponuđača)
_____, čije sjedište se nalazi u _____ na adresi
_____, (Grad/opština) (Ulica i broj)
kao ponuđač u postupku javne nabavke _____ kojeg
(Navesti tačan naziv i vrstu postupka)
provodi ugovorni organ _____ za koji je objavljena
(Navesti tačan naziv ugovornog organa)
obavijest broj: _____ u "Službenom glasniku BiH" broj: _____, a u
skladu sa članom 45. stav (1) i (4) Zakona **pod punom materijalnom i krivičnom odgovornošću**

IZJAVLJUJEM

1. Ponuđač _____ u navedenom postupku javne nabavke, kojeg predstavljam, nije:

- a) Pravosnažnom sudskom presudom u krivičnom postupku osuđen za krivična djela organizovanog kriminala, korupcije, prevare ili pranja novca u skladu sa važećim propisima u BiH ili zemlji registracije,
- b) Pod stečajem ili je predmetom stečajnog postupka ili je pak predmetom postupka likvidacije,
- c) Propustio ispuniti obaveze u vezi s plaćanjem penzijskog i invalidskog osiguranja u skladu sa važećim propisima u BiH ili zemlji registracije,
- d) Propustio ispuniti obaveze u vezi s plaćanjem direktnih i indirektnih poreza u skladu sa važećim propisima u BiH ili zemlji registracije.

U navedenom smislu sam upoznat sa obavezom ponuđača da u slučaju dodjele ugovora dostavi dokumente iz člana 45. stav (2) tačke a) do d) na zahtjev ugovornog organa i u roku kojeg odredi ugovorni organ u skladu sa članom 72. stav (3) tačka a). Nadalje izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja krivično djelo predviđeno Krivičnim zakonima u BiH, te davanje netačnih podataka u dokumentima kojima se dokazuje lična sposobnost iz člana 45. Zakona o javnim nabavkama BiH predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravno lice) i od 200,00 KM do 2.000,00 KM za odgovornu osobu ponuđača.

Takođe izjavljujem da sam svjestan da ugovorni organ koji provodi navedeni postupak javne nabavke u skladu sa članom 45. stav (6) Zakona o javnim nabavkama BiH u slučaju sumnje u tačnost podataka datih putem ove izjave zadržava pravo provjere tačnosti iznesenih informacija kod nadležnih tijela. Izjavu dao:

(Ime i prezime)

Mjesto i datum davanja izjave:

Potpis i pečat nadležnog tijela

IZJAVA O GARANCIJI ZA ISPORUČENU ROBU

U postupku javne nabavke pokrenute od strane Okružnog javnog tužilaštva Banja Luka za nabavku službenog putničkog motornog vozila, koja je objavljena na Portalu javnih nabavki BiH, broj obavještenja o nabavci _____, od _____godine, dostavljamo ponudu i izjavljujemo da ukoliko nam bude dodijeljen ugovor, garantni rok za ispravnost vozila, servis i održavanje, obuhvata:

- garancija opšta 4 godine ili pređenih 120.000 km
- garancija na pohrđavanje karoserije vozila 12 godina
- garancija na lak 3 godine

U _____, _____godine.

Pečat ponuđača i potpis odgovorne osobe

Aneks 7

NACRT UGOVORA

NABAVKA SLUŽBENOG MOTORNOG VOZILA

Zaključen između:

1. Okružno javno tužilaštvo u Banjaluci , Vladike Platona bb, Banja Luka (u daljem tekstu: Naručilac) koga zastupa Glavni okružni javni tužilac Zoran Bulatović

i

2. _____, Ul. _____ (u daljem tekstu: Dobavljač) kojeg zastupa direktor _____.

PREDMET UGOVORA

Član 1.

Predmet ugovora je Nabavka putničkog motornog vozila za potrebe Okružnog javnog tužilaštva Banja Luka, a zaključuje se nakon provedenog postupka javne nabavke, putem konkurentskog zahtjeva i odluke o izboru najpovoljnijeg ponuđača, broj: _____.

Ponuda Dobavljača , sa tehničkom specifikacijom, broj: _____ od _____ 2021. godine, osnov je za zaključenje ovog ugovora i čini sastavni dio ugovora.

CIJENA

Član 2.

Cijena koju će Naručilac isplatiti Dobavljaču automobila iz člana 1. ovog ugovora, a prema specifikaciji i cijeni navedenoj u ponudi iznosi:

_____ KM sa PDV-om (slovima: _____),
odnosno _____ KM , bez PDV-a (slovima: _____).

USLOVI I NAČIN PLAĆANJA

Član 3.

Plaćanje robe će se vršiti putem Trezora u roku od 30 dana od dana ispostavljanja fakture za uredno isporučenu robu na žiro račun Dobavljača _____, otvoren kod _____ banke.

ROK ISPORUKE

Član 4.

Rok isporuke automobila i ukupno ugovorene i specificirane količine opreme, kao i pripadajućih usluga iz člana 1. ovog ugovora je 60 dana, računajući od datuma obostranog potpisivanja ovog ugovora. Pod isporukom se podrazumjevaju sve radnje koje je Dobavljač dužan obaviti, prema ugovoru i prirodi posla, da bi Naručilac mogao primiti automobil iz člana 1. ovog ugovora u skladu sa uslovima iz ponude.

Mjesto izvršenja obaveze Dobavljača (isporuke automobila) je sjedište Naručioca.

Naručilac se obavezuje isplatiti cijenu i preuzeti isporuku ugovorenog automobila onako kako je predviđeno ovim ugovorom.

Do isporuke (predaje automobila) Naručiocu odnosno do dana obostranog potpisivanja zapisnika o kvantitativnom prijemu automobila, rizik slučajne propasti ili oštećenja automobila snosi Dobavljač, a s isporukom (predajom automobila), rizik prelazi na Naručioca. Rizik ne prelazi na Naručioca ako je isti zbog nekog nedostatka isporučenog automobila raskinuo ugovor ili tražio zamjenu automobila.

Po isporuci automobila, Dobavljač će dostaviti Naručiocu sljedeće dokumente:

- račun koji sadrži precizan opis automobila sa opremom, količinu, jediničnu cijenu i ukupnu cijenu,
- otpremnicu i
- garanciju.

ODGOVORNOST ZA MATERIJALNE NEDOSTATKE

Član 5.

Dobavljač odgovara za materijalne nedostatke automobila iz člana 1. ovog ugovora, koje je imao u času prelaska rizika na naručioca, bez obzira na to da li mu je to bilo poznato. Dobavljač odgovara za one materijalne nedostatke koji se pojave nakon prelaska rizika na Naručioca ako su ti nedostaci posljedice uzroka koji je postojao prije toga. Neznatan materijalni nedostatak se ne uzima u obzir.

Nedostatak postoji ako ugovoreni - isporučeni automobil nema svojstva i osobine koje su izričito određene ovim ugovorom.

GARANTNI ROK

Član 6.

Dobavljač se obavezuje da će za isporučeni automobil iz člana 1. ovog ugovora dati Naručiocu garanciju kako je naznačeno u TD, uz redovno održavanje u garantnom roku u ovlaštenom servisu:

- garancija opšta 4 godine ili pređenih 120.000 km
- garancija na pohrđavanje karoserije vozila 12 godina
- garancija na lak 3 godine

Dobavljač se obavezuje da obezbjedi originalne rezervne dijelove, servisiranje i održavanje motornog vozila iz člana 1. ovog ugovora u ovlaštenom servisu u toku trajanja garantnog perioda.

Garantni period na koji se Dobavljač obavezuje u pogledu ugovorenog automobila teče od datuma obostranog potpisivanja Zapisnika o kvantitativnom prijemu automobila, bez primjedbi. Naručilac ima pravo, ako automobil ne funkcioniše ispravno, zahtijevati kako od Dobavljača, tako i od proizvođača da automobil popravi u roku od deset dana ili da mu isporuči automobil koji ispravno funkcioniše.

Ova obaveza Dobavljača se ne odnosi na kvarove koji nastupe kao posljedica nestručnog rukovanja, koje nije u skladu sa uputstvom o rukovanju motornim vozilom.

Rok za otlanjanje eventualnih nedostataka i grešaka za vrijeme trajanja garancije iznosi najduže 10 (deset) dana od dana zaprimanja reklamacije. Svi nedostaci će biti otklonjeni od starne Dobavljača, bez ikakvih troškova za Naručioca, u toku grantnog perioda.

UGOVORNA KAZNA

Član 7.

Ukoliko Dobavljač ne isporuči robu iz člana 1. ovog ugovora u ugovorenom roku, dužan je platiti Naručiocu ugovornu kaznu od iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Ukoliko Dobavljač ne isporuči robu iz člana 1. ovog ugovora u roku određenom u ugovoru, Naručilac ima pravo raskinuti ugovor i od Dobavljača zahtijevati naknadu štete nastale zbog neispunjenja ugovora.

STUPANJE UGOVORA NA SNAGU

Član 8.

Ovaj ugovor stupa na snagu danom obostranog potpisivanja od strane ovlaštenih lica ugovornih strana.

PRIMJENA ZAKONA O OBLIGACIONIM ODNOSIMA

Član 9.

Za sve odnose i institute koji nisu utvrđeni ovim ugovorom, a proisteknu iz njegove realizacije primjenjivaće se odgovarajuće odredbe Zakona o obligacionim odnosima.

RJEŠAVANJE SPOROVA

Član 10.

Eventualne sporove i nesporazume koji bi mogli nastati iz ovog ugovora, ugovorne strane će rješavati sporazumno.
Za slučaj da se spor ne riješi ovim putem, ugovara se nadležnost Okružnog privrednog suda u Banja Luci.

OSTALE ODREDBE

Član 11.

Dobavljač nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bili u svojstvu člana ili stručnog lica koje je angažovala Komisija za javne nabavke, najmanje šest mjeseci po zaključenju ugovora, odnosno početka realizacije ugovora.

Član 12.

Ugovor se zaključuje u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka.

Broj: _____

Broj: A-713/21

Banja Luka, ____ .2021. godine

Banja Luka, ____ .2021. godine

DOBAVLJAČ:

NARUČILAC:

OKRUŽNO JAVNO TUŽILAŠTVO BANJALUKA

DIREKTOR

GLAVNI OKRUŽNI JAVNI TUŽILAC

ZORAN BULATOVIĆ
